

استدلال

هفته ده بر دفعه نشر اولور حقوق و سیاسیاتدن باحث


عالی، ادبی مجموعه در

نومرو ۱

۴ ایلول سنه ۱۳۲۴

سنه ۵۰ (نسخه اعتباریله در سعادت ایچون ۹۰ غروش
طشره ایچون آبروجه پوسته اجرتی ضم ایدیلور

نسخه سی ۲ غروش



استانبول

محل اداره سی

باب عالی جاده سنده ۵۲ نومرولو آ. آصادوریان مطبعه سی فوقنده کی دارة مخصوصه در

۱۳۲۴

نظری ماضیدن زیاده حال واستقباله معطوف اوله جق «اجال احوال» ستونلری مساعد دکدر .

بن تصویر وقایعه ۱۱ تموزدن اعتباراً باشلايه جقم . بو تاریخده چیقان غزتهلر صحائفده قانون اساسیه دأر کوریلان تبلیغ رسمی شانلی اردومزك قهرمانانه و وطن پرورانه طلبی نتیجه مشکوره سیدر . شوراسی جای دقتدرکه ۱۱ تموز تاریخی غزتهلرده اوقودیفغمز «تأسیس پادشاهی اولان قانون اساسیده صورت تشکیلی بیان اولنان مجلس مبعوثانك اجتماعه دعوت اولغسی» مألنده کی تبلیغ رسمینك دفع هجوم ضمننده اختیار اولندیغنه ، قانون اساسینك بالجمله احکامی دکل فقط مجلسك حاضرلانغسی امرندن بشقه برشی بکلنامك اوزره یازدیغنه صورت تحریری ، غزتهلره کیفیت درجی شهادت ایدیوردی .

— دوام اولنه جقدر — ابن الضیا

اجال خارجی

بو سرلوحه آئنده هر نسخه مزك انظار قارئنه وضع ایلیه جکی مقالات دولت علیه به تعلق ایتسون ایتسون صحفه سیاستده ظهور یافته اوله جق شوناندن باحث بولنه جق ایسه ده بو مباحث یالکز وقوعاتك ذکر و تعدادندن عبارت قلیوب حادثاتك درجه شمولی و اهمیتلری حقنده مطالعات لازمه بی دخی احتوا ایلیه جکدر . بو کونکی اجمالز ایسه تیمناً ۱۱ تموز تاریخ کرینندن ، ملتك اوتوز سندهنبرو ربه اسارتنده بولندیغی بر دور مشثومه خاتمه چکرك پارلاق راستقبال قبولرینی آچان او یوم مسعود و مبارکدن بدأ ایده جکی وشو جهتله بر ایکی هفته لاق دکل بریحق آیلق وقوعاته متعلق بولنه جنی ایچون بو مدت طرفنده کی وقوعاتی بالضروره همان شویله قوش باقیشی ایله کوزدن کچیره جکدر .

۱۱ تموزدن برو تاریخ کائناتك قید صحائف ایلدیکی وقوعاتك اک مهمی شهه سز اوروپانك ممالک عثمانیه — تعیر احمیله ملت عثمانیه — حقنده پرورده و اظهار

ایندیکی آمال و تمایلاتده کی حصوله کلان تحول عظیمدر. دول معظمه ایله برلکده
 بالجه اوروپا حکومتلری ملت عثمانیه به شامراه تمدن و ترقی به کیرمکه غیرمستعد،
 حسدن مبرا، افکار عمومی دینلن قوه مغنویه دن معرا، عادتاً روحسز برهیت
 نظریله باقمه، ال حقی دعوالرمزده بزی حقسز چیقارمغه آلمش، حکومت
 عثمانیه بی ایکنجی لاهی صلح قونفرانسنده ایکنجی درجهده دولتر صره سنه
 کچیرمکه رسماً قرار ویرمش، اوتوز سنه لک رخاوتمز، کیتدکجه کوزه چاریان
 عجزمز، اداره سزلکمز سوقیه ما کدونیا اصلاحاتی نامیه اتخاذایدیلان مقررانده
 امور ضابطه بی، امور مالیه بی ونهایت امور عدلیه بی ده الهرق حقوق حکمرانیمی
 المزدن آلق درجه لرینه قدر ایلرو وارمش ایکن دور جدید حریت، حکومت
 عثمانیه نك مناسبات خارجیه سنده دخی بر انقلاب عظیم حصوله کتیردی. وقتیه
 امور داخلیه مزك کافه سنه یارمق اورمغه آلیشان، عثمانیلری غالب کلدکلری
 بر محاربه دن مغلوب اولمش قدر ضررلی چیتاران عینی دولتر تواریخ مللده
 امثالسز اولان ۱۱ تموز انقلابی اوزرینه صانکه بر قوه ساحرانك تأثرینه
 زیون اولمشلر کچی بردنبره تبدیل حرکت واستقامت ایدیوردیلر. بو انقلابدن
 همان بر قاچ هفته اول ره والده، چار نیقولا ایله قرال ادوارد آره سنده واقع
 بر ملاقات آئنا سنده، حقوق حکمرانی عثمانیه دهشتلی بر ضربه اورلمسنه
 قائل اولان انکلتزه دولتی بو تبدل استقامتک ایلك حرکتی اجرا ایستی.
 انکلتزه خارجیه نظری سیر ادوار غره ی پک آز زمان اول حکومت عثمانیه به
 قارشو اتخاذ اولنه جق تدابیری اعلان ایندیکی عین کرسی خطابتدن «خیرخواهانه
 عدم مداخله، خالصانه انتظار» بولتیقه سی وضع ایستی. بو تحول او درجه
 یوک، او درجه ناکهانی ایدی که بعض دولتر انکلتزه نك عثمانی انقلابسنده
 مدخلدار اولدیغندن شبهه ایدر کچی اولدیلر! فقط آرتق تدقیق ماضی ایله.
 حل شبهات ایله اوغراشمق زمانی دکلدی. بو وقعه ناکهانی مواجهه سنده برخط
 حرکت تعینی ایجاب ایدیوردی. روسیه حکومتی همان سفراسنه بر تحریرات
 عمومیه کوندروب «خیرخواهانه عدم مداخله، خالصانه انتظار» بولتیقه سی

قبول استبدیکی اوزوبا قاینه لرینه بیلدرمکه شتاب استدی ، فقط هیچ اولمزسه «مأمول اولان اصلاحات تیسرنمای حصول اولدینی تقدیرده فعالیت اصلاحیه دوام ایدمک لزومندن» باحث برقید علاوه سیله بوعدم مداخله پولتیقه سنه نه قدر زور قاتلانیدیغنی احساسدن کندینی آله مدی . دیگر دولتر ایسه ، بر قانچک مسلك محترزانه سندن قطع نظر ، یکنزان اوله رق بو یکی پولتیقه یی تصویبه ، عثمانیلر حقنده بلاقید اظهار اخلاص ومخاندنه مسارعت استدیله . وقتیه ترکاری انظار اجانبده وحشت درکه لرینه اینسیرن ماضیمز ایله حال حاضر مزى ، استقبل مزى شو نقطه نظر دن محاکمه ایده جک اولورسوق مشهود باصره ابهاجر اوله جق اولان فرق عظیم زلزله دموم مسرت دوکدیر! فصل مسرور ومقتضی اولیم که ترکک نامی ، عثمانیلق عنوانی لکدار اولمش ، الک مقدس حقوقز ایادی اغتصابه بکک اوزره بولمش ایکن اعاده وقع وحیثیت استدکدن بشقه بوسنه وهرسکده ، قفقاسیه ده پازده تضییق اولان مسلمان قرداشلرمزه بیله مختاریت اداره بخشی لزومندن بی اختیار بحث ایدمکه باشلانیوردی !

وقتیه روم ایلیده حاکمیت عثمانیه نك انقراضنه چالیشمغه سوق ایدیلان عناصر ، عثمانیلرله ال اله ویره رک تعالی ملته متفقاً چالیشه جق لرینه عهد وميثاق ایدر اولدی . خلاصه هرشی دکشدی : آسمان موجودیت مزده کی قورقونج بلوطلر زائل و آنک یرینه ملک ومملکت نائل فیض وسعادت اوله جغنی مبشر اشعه نجات وترقی قائم اولدی . هذامن فضل ربی !

حصر مقال استدی کمز مدتک باشلوجه محصولات وقایعندن بریده انقلاب عثمانی سوقیه برقانده اشتداد ایدن ایران حرکات احرارانه سندن قطع نظر فاسده وقوعه کلن تبدل امارتدر . غریب تصادف ! عثمانیلر اداره لرینی ، فاسیلرده امیرلرینی دکشدردیلر . حیفا که بر قاج سنه در دول اجنبیه نك آمال حریصانه سنه ، حتی استیلاجویانه سنه جولانکه اولان بومملکتده کی تبدل حضور وسکون ایله کل قان دوکمه که ممکن اولدی . فقط نه بأس وار ؟ حق یرینی بولدی .

مقام امارت ذاتاً مولى حفيظه عائد ايكن امير مرحوم نسله زوجه سنك اغفالانته قابلمش ، انك اوغلى عبدالعزيزى وارث حكومت تعيين ايدرك ايكي قرداش آرسنه قانلى برترقره ، ملتك باشنده بيوك بر بليه دوشورمشيدى ... ابرمالندن صكره زمام اداره يي اله آلان عبدالعزيز امور دولته اشتغال ايدم جك يردم اوروباليلرى قوروقورويه تقليد قبليدن اوله رق فوطوغراف ، وولوپيد ، اوتوموبيل وساره كبي اشتغالات بى سود ايله امرار حيات ايتدى . امور اداره بىستون شيرازدن چيقدى .. آسايش مختل اولدى ... مملكتك هر طرفنده شقاوت توره دى ، كمسه جان ومالندن امين دكلى .. اولياي امور محافظه آسايشه اهتمام ايدم جك يردم برطاقم عجزه نك سر مقطوع لرني كوياتنكيالات اشقيايه ، اجراءات انضباطيه نشانه اوله رق عبدالعزيزه كوندرمك كبي دناشتره قوبولدى .. نهايت اجانب دخى جان ومالاريني تهلكه ده كورديلر بووقوعات فاسى ده تونس جزاير كبي اولمش بر آرموده دوندريوردي ...

بركت ورسون كه فاس كبي بردفينه وارداتك فرانسه ايچون برواسطه ازدياد ثروت اولمسي المانيا حكومتى چكمدى ايمبراطور ويلهم ناكهاا طنجه يه كتدى ؛ فاسك تماميت ملكيه سنه طوقونيله ميه جغنى متضمن برنطق ايراد ايدرك فرانسه واسپانيانك امللرى قارشوسنه برسدحائل چكدى ... الجزيره قونفرانسى انعقاد ايتدى .. ماكدونيا حقنده كى مقررانى اكديرر برطاقم قرارلر اتخاذ ايدلى .. فاس دهشتلى برتهلكه آتلاشمشيدى .. لىكن متنبه اوله جق يردم غالبا فاس رجالى ده بزم وقيله ياپديغمز كبي محاسده دوله كووه نرك اسكى قيدسزلغمده دوام ايتدى . نهايت قازابلانقه ده بر فرانسر دوكتورك اتلافى كبي وقوعات الجاسيله فرانسه حكومتى فاسه برهيئت سفرية اعزام ايتدى فرانسه قواى بحريه وبريه سى فاسلرله چارپشمقده ايكن مولى حفيظ دخى حق امارتنى غضبايدن قرداشنك مساوى احوالى يوزندن مملكته عارض اولان بلايادن متأثر اوله رق اقامه دعواى امارت ايتدى .. مولى حفيظ ماده ضعيف ايدى خصوصاً كه مظاهرت اجنبيه قرداشى طرفه ابزال اولونيوردى .. فقط مدافعه حق ، محافظه وطن كبي ايكي

امنیه مبعوله نك بخش ایتدیكى قوه معنویه ضعف مادىسى تلافى ایدیور ،
 طرفدارلرینی کتدکجه آرتدیوردی .. بویه جه مولى حفیظ بیوجك براردو
 تشکیل ایتدی .. مراکش قربنده غاصب حقوقی قرداشنه برغلبه قطعیه جالدى .
 بوغلبه ایکی قرداش آره سنده کی و غایه نهایت ویردی کبی کورونیور ..
 فاسلیر مولى حفیظه همان بیعت ایتمک مسارعت ایتدیلر . امیر لاحق
 ملته خطابى جوامع شریفده اوقوندینی زمان اهالی آیلان یکرمی بر باره طوب
 سسیرینه موسیقه ترنلرینه آوازده سسرتلرینی قارشدریلر ... شمعی ایسه ایش
 مولى حفیظك تصدیق امارته قالدی .. مقدماتك تمامیت ملکبیه سی ایچون
 اورته آیلان آلمانیا حکومتی بودفعه دخی الاول بیان رأی ایدرك مولى حفیظك
 تصدیق فاسده اعاده آسایشه مدارك مؤثر برچاره اوله جغنی بیان ایتدی ..
 آلمانیاك فاسه عائد هر خصوصده بویه ایلرو آلمسی فاسده تزید نفوذ ایتمک
 ایستدیكى فکرینی او یاندردینی ایچون آلمانیاك بو حرکت متقدمه سی شمیدیكى
 حالده خیلی مناقشانه میدان آچش ایسه ده انحام احوالك مولى حفیظك تصدیقنه
 منجر اوله جغنی ملحوظ وامیر لاحقك ده مملکتینی ایوم بولندینی ورطه تذبذب
 قور تاره رق شاهراه ترقیه ایصال ایتمسی مأمول و متمنادر .

فاس احوال و وقوعائی بروجه آتی حکایه ایلدی کمز صفحاتدن کچرک
 عبدالعزیزك قطعی برهزیمته دوچار اوله جغنی هنوز محسوس بولندینی، اوروپا
 یالکز ممالک عثمانیه حادثاتندن متولد حال و موقع جدید حقنسه مداوله افکار
 لزومنی حس ایتدیكى برهنکامده اوروپا حکمدارانندن بعضیلری ایله آوستریا
 وایتالیا خارجیه ناظرلری سنه حاضرده موسم صیفی طرفنده وقوعه کان ملاقاتلر
 سلسله سنه بر ایکی ملاقات ده علاوه ایتدیلر ؛ فرانسه رئیس حکومتی فالیهرك
 انکلتراه و روسیه، قرال ادوارك رهوال ملاقاتلرندن صکره قرال ادوارد آوستریا
 و آلمانیا امپراطورلری ایله، ایتالیا خارجیه ناظرى موسیو یتونی ده آوستریا
 خارجیه ناظرى بارون نه رنتال ایله کورشدی. روسیه خارجیه ناظرى موسیو
 ایزوولسکیده اورویاچه شویله سسسنزجه بر جولان ایتدی .

نتیجہ سیاسیہ اعتبار پہ رموال ملاقاتی کرک بزم ایچون و کرک بتون اوروپا ایچون پک مهم بر حادثہ تشکیل ایدہ جک ایکن دیپلوماتلردن برینک تعبیری وجهلہ رموال ملاقاتی بر « بلوف » حکمنہ کیردی: انقلاب عثمانی ایسہ اوملاقادہ بر « بلوف » لک بیلہ براقہ دی بسبتون هیچہ چیقاردی. المانیوا انکترہ حکمدارلری آره سنده کی ملاقات ایسہ مملکتین آره سنده کی کرکینلکی خیلی تخفیفہ مدار اولقلہ برابر قیدہ شایان بر صلاح حصولہ کتیرہ مدی المانیاتجہیزات بحریہ سنک تحدیدی مسئلہ سی سادہ جہ یاد ایدملکہ قالدی . بونکہ برابر ہر ایکی حکمدار بر برینہ متقابلاً اطمینان بخش تأمینساندہ بولنش اولملیدرلر کہ ایمپراطور ویلہلم اخیراً استرازابورغده ایراد ایلدیکی بر نطق مہمندہ صلح و مسالمتک تہلکہدہ بولندیغہ قناعت کاملہ و عمیقہ سی اولدیغنی پک صریح بر صورتدہ بیان ایتش و شوقدرکہ بو صلح و مسالمتک الہ قوی ضمانتلی حکمداران و رجالک وجدانی، بجلہ ملل و اقوامک آرزوسی و بردہ ... المانیانک قوہ بریہ و بحریہ سی اولدقلرینجی دہ اتیان ایلمشدر .

بو نطق مہم اولدیغی قدر معنیداردر باعث انتباہدر. ایمپراطور حکمدارلرلہ رجالک وجدانی، ملل و اقوامک عافظہ صلح و مسالمتہ معطوف آرزولرینجی یچون ادامہ ایشہ کافل کورمیورده آلمانیانک قوہ بریہ و بحریہ سی دہ صلح و مسالمتک مبنی علیہی بولنہ جغنی اساسلر صرہ سنده ذکر ایدپور ؟

بونن «حاضر اول جنکہ اگر استرایسہک صلح و صلاح» قاعدہ سنک حکمفی اجرادہ بر دوام اولدیغنی استساج ایدلمز می ؟

دیمک کہ ہر دولت قوہ عسکریہ سی ہمیشہ درجہ کلاہہ بولندیرمقہ مجبور ، بشریت ہب بوبار کران آلتندہ ازملکہ دائماً محکوم اولوب یالکز تعریف مقصد دیکشیور: سوزدہ محاربہ حاضرلنی کورلمیور، محضاً محافظہ صلح و مسالمتہ ہمت صاووریلپور! زوالی انسانیت !